

Codex Laureshamensis Teil: Bd. 1, Einleitung, Regesten, Chronik Nr. 72 (Reg. 3578)

In nomine sanctae et individuae trinitatis. Otto dei gratia rex Francorum et Langobardorum, ac patritius Romanorum. Notum sit omnibus tam presentibus quam et futuris fidelibus, qualiter ob amorem dei et animae nostrae remedium, abbatiam cenobio Lauresham appendentem in unum deinceps esse collectam, et ipsum cenobium regulari ordine et abbate solide et inconvulse per omnia semper vigere decrevimus. Quapropter obsecrante venerabili abbate Gerbodone, eidem monasterio nostra electione inthronizato, hoc nostrae auctoritatis preceptum fieri voluimus, quo precedentium augustorum, scilicet illustris et magni Karoli, piique Hludowici benignitatem imitando, regularem monachis illius monasterii de abbate aelectionem indulgemus, et ipsam abbatiam ex integro potestati abbatum ad communem utilitatem monachorum deo ibi famulantium subdimus. Statvimus etiam episcopum in cuius parrochia situm est monasterium, ex qualibet occasione ibi irrumpere, seu monachos irrationabiliter inquietare non debere, nec ex rebus monasterii in omni imperii nostri ditione, thelonei exactionem fieri, nec publicum iudicem, seu quemlibet ex iudiciaria potestate, vel aliquam aliam personam, quicquam potestatis aut negotii sine voluntate aut permissu abbatis, in omnibus sepedicti monasterii rebus habere vel exercere. Quicquid ius fisci exinde exigere potuerat, ex integro in usus monasterii cedere precipimus. Homines quoque ingenuos seu servos in possessionibus monasterii commanentes, distringere, sive ipsas possessiones contra abbatis decretum intrare, seu ad causas audiendas, seu mansiones faciendas, aut freda vel tributa exigenda, vel ullam in aliquo violentiam faciendam, omnibus omnino hominibus per hanc nostrae immunitatis conscriptionem prorsus interdiciamus, atque ab huiusmodi vel simili presumptione cunctos per omnia tempora inhibemus, quatinus abbas et monachi omnia illuc aspicientia sub nostra tuitione quo ordine quietiore possederint, eo liberius pro statu imperii vostraque salute deo vacent. Et ut hoc auctoritatis nostrae preceptum firmum et stabile permaneat, anuli nostri impressione signari iussimus, et manu propria subtus firmavimus. Signum domni Ottonis M. serenissimi imperatoris augusti. Liudolfus cancellarius ad vicem Brunonis archicapellani recognoui. Data VIIa kl. febr. Anno incarnationis domini nostri Iesu Christi DCCCCoLXoIIIo. Indict. VIa. Regnante pio imperatore Ottone anno XXoVIIIo. Actum Papiae, feliciter, amen. Huius imperatoriae maiestatis preceptum Silvester romanae sedis pontifex, mediante Gerbodonis abbatis industria apostolica auctoritate confirmavit, qui de libertate eiusdem monasterii tale decretum promulgavit.